

INFORMACIJA

o zajmu njemačke banke za obnovu i razvoj Kreditanstalt für Wiederaufbau (KfW) Frankfurt na Majni za financiranje Projekta vodosnabdijevanja i zbrinjavanja otpadnih voda u Bosni i Hercegovini II

Dana 29. juna 2010. godine u Sarajevu održani su pregovori između delegacije Vlade Savezne Republike Njemačke sa delegacijom Vijeća ministara BiH kao i sa delegacijama Vlada Federacije BiH, Republike Srpske i Brčko Distrikta u cilju usaglašavanja i pripreme razvojne saradnje u 2010. godini. U sklopu razvojne saradnje za 2010. godinu i naredne godine odobren je razvojni kredit po povoljnim uvjetima u iznosu od 19,5 miliona EUR-a za Projekat vodosnabdijevanje i uklanjanje otpadnih voda u BiH II od čega se na Federaciju BiH, za realizaciju Projekta vodosnabdijevanja i zbrinjavanja otpadnih voda u Bosni i Hercegovini II za općine Zenica i Tuzla odnosi iznosu do 11.000.000,00 EUR-a.

Vlada Federacije BiH je na svojoj 104. sjednici održanoj 06.03.2014. godine usvojila Zaključak broj: 354/2014, kojim je podržala inicijativu za zaduženje kod Kreditanstalt für Wiederaufbau (u daljam tekstu KfW) Frankfurt na Majni za realizaciju Projekta vodosnabdijevanja i zbrinjavanja otpadnih voda u Bosni i Hercegovini II, u iznosu do 11.000.000,00 EUR-a. Od navedenog iznosa zajma na Općinu Tuzla se odnosi iznos do 6.250.000,00 EUR-a a na Općinu Zenica iznos do 4.750.000,00 EUR-a.

Sredstva kredita odobravaju se Federaciji pod sljedećim uvjetima i rokovima:

- iznos zajma.....11.000.000,00 EUR-a
- rok otplate.....15 godina
- grace period.....3 godine
- naknada za neiskorištena sredstva.....0,25 % godišnje
- kamatna stopa.....utvrđena na bazi efektivni troškovi refinansiranja KfW na tržištu kapitala za euro +/- marža i utvrđuje se na dan potpisivanja Sporazuma o zajmu i projektu
- naknada za upravljanje zajmom je0,5 % jednokratno
- dospijeća.....polugodišnje u jednakim otplatama glavnice
- datum plaćanja glavnice i kamata.....30. juni i 30. decembar svake godine
- iz kreditnih sredstava se ne mogu plaćati carine, porezi i druge dažbine

Krajnji dužnici po kreditu su:

- Općina Tuzla u iznosu do 6.250.000,00 EUR-a,
- Općina Zenica u iznosu do 1.150.000,00 EUR-a,
- JP „Vodovod i kanalizacija“ d.o.o Zenica u iznosu do 3.600.000,00 EUR-a.

S obzirom da Općina Zenica prema Zakonu o dugu, zaduživanju i garancijama u Federaciji Bosne i Hercegovine (“Službene novine Federacije BiH”, br: 86/07, 24/09 i 44/10), nije u mogućnosti otplaćivati obaveze za servisiranje novog (planiranog) zaduženja u ukupnom iznosu od 4.750.000,00 EUR-a, odnosno da ista prelazi

maksimalni iznos servisiranja duga od 10% prihoda iz predhodne godine, u vezi s navedenim na općina Zenica može se locirati iznosi cca 1.150.000,00 EUR, dok bi se ostatak kredita u iznosu od 3.600.000,00 EUR locirao na JP „Vodovod i kanalizacija“ d.o.o Zenica čiji je osnivač Općina Zenica.

JP „Vodovod i kanalizacija“ d.o.o Zenica jedno od rijetkih preduzeća iz ovog sektora u BiH koje posluje pozitivno, i finansijska pozicija ovog preduzeća je veoma dobra i stabilna, Federalno ministarstvo finansija-financija je mišljenja da je rizik prenosa kreditnih obaveza na ovo preduzeće, uz preuzimanje instrumenata osiguranja (mjenica) prihvatljiv. S obzirom da ovo preduzeće po osnovu pravosnažne sudske presude Općinskog suda u Sarajevu broj 09 65 Ps 014333 03 Ps od 02.10.2012. godine, a koja je potvrđena i presudom Kantonalnog suda u Sarajevu 65 0 Ps 014333 13 PŽ od 21.05.2013. godine, za isporučenu vodu i naknadu za kanalizaciju Vojsci Federacije BiH u periodu od 1997. do 2001. godine potražuje iznos 807.347,11 KM za glavni dug, te pripadajuće zatezne kamate i druge sudske troškove, te da ove obaveze čine javni unutarnji dug Federacije BiH, Općina Zenica i JP „Vodovod i kanalizacija“ d.o.o Zenica izrazili su spremnost da se potraživanja po osnovu navedenih presuda izmire na način da se za iznos potraživanja JP „Vodovod i kanalizacija“ d.o.o Zenica u ekvivalentnom iznosu izvrši umanjeње kreditnih obaveza ovog preduzeća prema Federaciji BiH po osnovu predloženog kredita. Uzimajući u obzir trenutnu likvidnost budžeta Federacije BiH, te činjenicu da obaveze po osnovu pravosnažnih sudskih presuda dobavljača bivše Vojske Federacije BiH imaju tretman javnog duga i da se iste isplaćuju u gotovini, predloženi model izmirenja obaveza Federacije BiH prema JP „Vodovod i kanalizacija“ d.o.o Zenica može se ocijeniti kao veoma prihvatljiv za Federaciju BiH.

Glavni problem navedenih općina u javnim sistemima vodosnabdijevanja trenutno su brojni nedostaci na mreži uzrokovani dotrajalošću i starošću mreža. Kao rezultat dotrajalosti sistema, često se dešavaju kvarovi što zahtijeva neopravdane dodatne troškove održavanja i funkcioniranja sistema. Mjerenja pritiska je nedostatan, što implicira nedostatak upravljanja pritiscima. U sistemu vodosnabdijevanja postoji veliki broj pumpnih stanica, tako veliki broj pumpi uzrokuje velike troškove energije. Stoga je glavni prioritet u poboljšanju postojeće situacije: rekonstrukcija vodozahvata, rezervoara i pumpnih stanica, te vodovodnih cijevi u distributivnoj mreži, a sve kako bi se smanjili gubici i olakšalo praćenje gubitaka, te obezbijedilo sigurno i kvalitetno vodosnabdijevanje bez redukcija.

Na području navedenih općina kanalizacijski sistem je mješovitog tipa, sa neodgovarajućim i neučinkovitim sistemima odvodnje otpadnih voda, nedostatak separatora za otpadne vode i neprečišćavanje otpadnih voda su opasnost za javno zdravlje i kvalitet okoliša. Kao i u slučaju mreže vodosnabdijevanja, postojeće kanalizacijske mreže su dotrajale i evidentne su stare cijevi, tako da, pored ispuštanja u površinske vode, dio otpadnih voda se infiltrira u i podzemne tokove. Prioritet u poboljšanju odvodnje otpadnih voda je rekonstrukcija i produženje postojećih kolektora, priključenje jednog broja kanalizacionih mreža na iste, te izgradnja kišnih preliva.

Očekivani rezultati investicija projekta su: poboljšanje kvalitete i obezbjeđivanje novih količina vode, poboljšanje i smanjenja troškova transporta vode, smanjenje gubitaka u mreži, priključenje većeg broja stanovnika na sistem odvodnje otpadnih voda što će pozitivno uticati na stanje okoliša općenito, nabavka potrebnih vozila, mašina i uređaja osigurati će bolju učinkovitost i produktivnost pri obavljanju redovnih i investicionih poslova i pružanje što kvalitetnije usluge korisnicima.

Budžet investicijskog projekta

Grant: Vlada Švicarske putem Državnog sekretarijata za ekonomske poslove „SECO“	9.949.000,00 EUR
Grant: Kreditanstalt fur Wiederaufbau (KfW)	1.500.000,00 EUR
Kredit: Kreditanstalt fur Wiederaufbau (KfW)	11.000.000,00 EUR
<hr/>	
UKUPNO:	22.472.000,00 EUR

Navedenim strukturiranjem kredita osigurale bi se pretpostavke za mobilizaciju grant sredstava švicarske i njemačke vlade u iznosu od 11.449.000 mil EUR. U slučaju otkazivanja kreditnih sredstava ili propuštanjem rokova za potpisivanje kreditnog sporazuma za Projekt do kraja juna 2014. godine, navedena sredstva granta bi se nepovratno izgubila.

S obzirom da su krajnji dužnici po kreditu općine Tuzla i Zenica i JP „Vodovod i kanalizacija“ d.o.o Zenica, u periodu implementacije Projekta, u budžetu Federacije nije potrebno osigurati dodatna finansijska sredstva za sufinansiranje Projekta.

Imajući u vidu navedeno, Vlada Federacije Bosne i Hercegovine je utvrdila PRIJEDLOG ODLUKE O PRIHVATANJU ZADUŽENJA PO UGOVORU O ZAJMU I PROJEKTU IZMEĐU KREDITANSTALT FUR WIEDERAUFBAU (KfW) FRANKFURT NA MAJNI, BOSNE I HERCEGOVINE, FEDERACIJE BOSNE I HERCEGOVINE I OPĆINA TUZLA I ZENICA ZA REALIZACIJU PROJEKTA VODOSNABDIJEVANJA I ZBRINJAVANJA OTPADNIH VODA U BOSNI I HERCEGOVINI II.